



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 28. Corporis Christi oppidi fundatio.

urn:nbn:de:hbz:466:1-38528

culos Sociorum auctoritatem omni ope elevabant. Inconcussis ad hæc Gonsalvio & Aragonâ, præ Divini auxilii Ipe omnia dæmonum tertriculamenta postponentibus, & sedato utroque malo reducendis denuò Indis, atque oppido reformando, egregiam operam navantibus.

FELICIUS ad Paranam, peste etiam grassante, res agebatur: nam præterquam quòd vetera oppida in supplementum morte sublatorum novis Catechumenorum accessionibus refarcirentur, quartum oppidum apud Inianenses ab Societate fundatum est. Porro Inianenses ab Itapuanis quindecim leucis adverso flumine distracti, magnâ per multos annos contentione ab Rocho Gonsalvio ac Didaco Boroâ, ut se ipsi Itapuanis adjungerent, sollicitati, partim feritate animorum, partim patriæ desiderio, morem gerere recusarant: sed hæc tempestate ita se Fidei Christianæ inclinaverant, ut ultrò peterent Sacerdotes: ad quos Didacus Boroa & Petrus Romerus profecti, omnium fermè animos in se propensos habuere. Paucis igitur renitentibus, novo oppido fundando statim insudatum est, quod ad Iniam rivum, Paranæ influentem, lætis auspiciis positum, Christi que Corporis nomine insignitum, hætenus feliciter perdurat. Didaco Boroâ ad veterum oppidorum regimen post quindecim dies regresso, Petrus Romerus in nova statione perstitit, unus magnitudine animi plurimorum munia complectens: baptizare infantes, pueros instituere, adultos informare, ariolos præstigias dedocere, ægros invisere, politicum Christianumque vivendi modum inducere, diu multum agere, noctu prolixè orare, ædificationi insistere, parùm comedere, multum sudare, liberaliter sua largiri, concatenati boni Patris labores erant. Stabilito utcumque oppido, in diversa remotaque loca expeditiones suscipiens, multos ad oppidum, atque adeò ad Christi Fidem, traduxit. Ibat per ericeta, per paludes, per spississima nemora, nullo tempestatum discrimine, venatorum more animas indagans, ut quamplurimas Christianæ veritatis telo transigeret. Peste grassante ad Tibiapum; Pirapum, Caapibarim flumina, per inundatas terras Ethnicorum humeris delatus, pluribus per Baptismum saluti fuit. Denique ita animosè rem urfit, ut brevissimo tempore novum Corporis Christi oppidum, ubi ego olim ferè per annum opellam meam contuli, quadringentas familias, in Catechumenorum album relatas, numerarit, & hætenus ibi Societas suprâ quinquies mille capita baptizarit.

AT in Guairaniâ Josephus Cataldinus novum oppidum fundare tentans, non minus, quam si fundasset, solo conatu inclaruit. Rem breviter expediam. Ad sylvas Laureto proximas, sagittarum materiam efferendi ergò, è remotis locis venerant campestres Indi, Ibitirambetam, Brasiliæ obversam regionem incolentes, è qua regione aliquot Ethnici Lauretanis se Neophytis, religionis ergò adjunxerant, narrabantque innumerâ pænè Barbarorum multitudine campos patrios scaterere. Occasione igitur arreptâ Cataldinus, ubi cognovit Ibitirambetanos advenas in arundinetis non procul abesse, missis Neophytorum honestissimis, eos invitat ad oppidum, omnique officiorum genere devinctos rogat, num se ad suas terras, Fidei Christianæ propagandæ ergò, ducere velint. Cui Nambahaius, advenarum præcipuus, & inter suos potens, in hunc fermè sensum respondit: *Per me, inquit, non stabit, ô Pater, quin tuis votis fiat satis: sed scias velle id sine tui & mei capitis periculo fieri non posse: nam me reliqui Casiqui in panam introducti Sacerdotis, & se in odium novarum rerum mactabunt. Si vilis tui capitis jactura est, aude quod ambis.* Cataldinus, re Deo commendatâ, periculi non renuens, & necis, si accideret, pro Christo appetens, assumptis secum Didaco Salazario, Socio intrepido, & aliquot Neophytis, Nambahaiò se tradit ducendum. Integro mense adverso Tibaxivâ flumine ob crebra præcipitia in itinere posito, ubi proxima Ibitirambetæ loca attingit, Nambahaius per nota viarum diverticula, antequàm popularibus factum suum innotesceret, periculo se subduxit. Sed Cataldinus ultrâ progredi temerarium ratus, consulto prius Deo, juvenes duos eo fine secum advectos, è suo comitatu ante se cum muneribus mittit, rogaturos ab Ibitirambetanis Casiquiis, ut ad

CAPUT
XXVIII.
Corporis
Christi op-
pido funda-
tio.

Inianenses
populi.

Petri Romeri
labores.

Excursioner.

Quadringen-
ta familie
reducuntur.

CAPUT
XXIX.
Josephus
Cataldinus
frustra Ibi-
tirambeta-
nos ad op-
pidum re-
ducere con-
tendit.

De Campe-
stribus Guai-
ranie popu-
lis.

Cataldini
magnanimi-
tas.